

(ՍՍՈՒՄ Գիտությունների Ակադեմիայի Հայկական ֆիլիալի նախագահության նախագահի տեղակալ)

ՍՍՈՒՄ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՀԱՅԿԱԿԱՆ ՖԻԼԻԱԼԸ

Հայաստանում Սովետական իշխանության հաստատման 20-րդ տարեկանը նորանոր հաղթանակներ է բերում կուլտուրայի, գիտության, արվեստի բնագավառում:

Ռեսպուբլիկայում հատկապես մեծ են նվաճումները գիտական մտքի զարգացման, գիտական-ղեկավար և գիտական-որակյալ կադրերի աճման բնագավառում:

Այսպիսի պայմաններում բացառիկ նշանակություն է ստանում ՍՍՈՒՄ Գիտությունների ակադեմիայի հայկական տոբյուրանների ակադեմիայի հայկական տոբյուրանը Հոկտեմբերյան ռեվոլյուցիայի զամակն է: Հինգ տարի է մեզ բաժանում այն ժամանակից, երբ կառավարության որոշմամբ Հայաստանում առաջին անգամ հիմնվեց ՍՍՈՒՄ Գիտությունների ակադեմիայի հայկական ֆիլիալը: Ակզբում ընդամենը 15-20 գիտական աշխատողներ ունեցող այդ փոքրիկ հաստատությունը հինգ տարվա ընթացքում աճել է դառնալով մի հսկայական սոլիդ հաստատություն՝ 190 գիտական աշխատողներով, և դա ռեսպուբլիկական ղեկավար օրգանների ու ՍՍՈՒՄ Գիտությունների ակադեմիայի նախագահության ամենօրյա ուղարկության և աշակցության շնորհիվ:

Հիշենք, որ դեռ հինգ տարի սրանից առաջ Գիտությունների ակադեմիայի հայկական ֆիլիալի սիստեմում կար ընդամենը շորս հաստատություն, իսկ ներկայումս նա իր մեջ միավորում է ավելի քան 14 հաստատություն, այդ թվում 6 խոշոր ինստիտուտ, ինչպիսիք են՝ Բիոլոգիական, Գեոլոգիական,

Քիմիական, Պատմության և Նյութական կուլտուրայի, Գրականության և լեզվի, Բուսաբանական, և 8 քաժիններ ու սեկտորներ, ինչպիսիք են՝ Հողագիտական սեկտորը, Սևանի հիդրոքրոլոգիական կայանը, Աստղադիտարանը, Հակասեյամիկ բյուրոն, Սեյսմիկ ցանցը, Կիրովականի բուսաբանական այգին և այլն:

Հիշենք նաև, որ սկզբում մշակվում էր ընդամենը 6-7 պրոբլեմ, իսկ ներկայումս Արմֆանի թեմատիկան արտացոլում է մեր երկրի արտադրողական ուժերի զարգացման հիմնական մոմենտներն ու ռեսպուբլիկայի կուլտուրական շինարարության հարցերը, պարունակելով իր մեջ 30 պրոբլեմ՝ 145 առանձին գիտա-հետազոտական թեմաներով:

Հետադարձ հայացք զցելով այն ուղու վրա, որ քսան տարվա ընթացքում անցել է սովետական գիտությունը Հայաստանում և մասնավորապես այն ուղու, որ անցել է Գիտությունների ակադեմիայի հայկական ֆիլիալն իր գոյության հինգ տարվա ընթացքում, անհրաժեշտ է նշել, որ այստեղ ևս, ընայած բոլոր դժվարություններին, մենք ունենք հսկայական հաջողություններ:

Արմֆանի առանձին ինստիտուտների կողմից մշակվող հիմնական պրոբլեմների թվում կարելի է հատկապես ընդգծել հողի արտադրողականության և գյուղատնտեսական կուլտուրաների բերքատվության բարձրացման թեմատիկայի ու մեթոդների մշակումը, երկրի օգտակար հանածոների ուսումնասիրումն ու հայտնաբերումը, երկրի կեն-

դանական և բուսական ռեսուրսների ինվենտարիզացիան, գյուղատնտեսության վնասարտուների դեմ պայքարելու պրոբլեմը, Սևան-Չանդուի կասկադի պրոբլեմը (Սևանա լճի, Չանդու գետի և Արարատյան հովտի աղբյուրների ջրային ռեսուրսների օգտագործման գլխավոր սխեմայի հիմնավորումը), կանաչադարձման պրոբլեմը (մշտադալար ու ղեկորատիվ բույսերի նոր տեսակների ռեսպուբլիկացիան), բուսական օրգանիզմների զարգացումը ղեկավարելու, մեկ վեգետացիոն սեզոնում երկու բերք ստանալու, անօգտագործելի հողերի յուրացման (աղաղալած հողերի յուրացումը, պայքար հողի էքզոլիայի դեմ և այլն), մետաղի փոխարինող նյութերի հայտնաբերման, գյուղատնտեսության և արդյունաբերության մեջ օգտակար ուսույլիզացիայի պրոբլեմը (ացետիլիտի ուսումնասիրությունն արդյունաբերության համար նոր, արժեքավոր հումքի սինթեզի նըպատակով, ացետիլ-ցելյուլոզիայի ստանալը տեղական հումքից՝ լինտերից), միտամինոլոգիայի պրոբլեմը, երկնային մարմինների և մասնավորապես արևի ակտիվ գործունեության ուսումնասիրման պրոբլեմը:

Հումանիտար գիտությունների գծով հայ գրականության իսկական մարքսիստական պատմություն ստեղծելու, ժողովրդական ստեղծագործության ուսումնասիրման և գիտական լուսաբանման, հայ գրականության կլասիկների գրական ժառանգության ուսումնասիրման և մարքս-լենինյան վերադաս-հատման, լեզվաշինարարության պրոբլեմները:

Պատմության և արխեոլոգիայի գրծով՝ հայ ժողովրդի իսկական պատմության ուսումնասիրությունն ու ատեղծումն արխայիկ ժամանակաշրջանից մինչև մեր օրերը, հայկական կուլտուրայի նյութական հուշարձանների ուսումնասիրությունը, որոնք լույս են սփռում պատմական փաստերի և իրադարձությունների վրա, հայ ժողովրդի կուլտուրայի գեներալի և էվո-

լյուցիայի ուսումնասիրությունը, պատմական գիտության մշակումն ու խորացումը՝ նյութական հուշարձանների մարքսիստական - մատերիալիստական անալիզի և անցյալի գրական աղբյուրների քննադատաբար յուրացման հիման վրա, անցյալի արժեքավոր ձեռագիր-հուշարձանների սիստեմատիզացիան և ժողովածուների հրատարակումը:

Միայն վերջին երկու տարվա ընթացքում Արմֆանը մշակել և սոցիալիստական տնտեսության մեջ արմատավորել է 14-ից ավելի ավարտված թեմաներ, որոնք ունեն առաջնակարգ գիտական նշանակություն (կարտոֆի, ներսորտային խայածևում, բամբակենու ծերատում, եթերատուներ, կավերը որպես փոխարինողներ և այլն):

Սակայն մեզ մոտ աշխատանքը դեռևս շատ թույլ է կազմակերպված քիմիայի և գեոլոգիայի բնագավառում: Մեր ռեսպուբլիկայի արտադրողական ուժերի զարգացումը պահանջում է հատուկ ուղարկություն նվիրել թեմատիկայի ուժեղացմանն օգտակար հանածոների, թանկարժեք մետաղների ուսումնասիրման բնագավառում, որոնցով հատկապես հարուստ է մեր երկիրը, ծավալել ացետիլիտի, սինթետիկ կաուչուկի հետ կապված հարցերի ուսումնասիրությունը և այլն:

Չգալիորեն փոխվել է Արմֆանի գիտական անձնակազմը: Ներկայումս Արմֆանում աշխատում են երկու ակադեմիկ, ՍՍՈՒՄ Գիտությունների ակադեմիայի մեկ անդամ - թղթակից, 17 դոկտոր-պրոֆեսոր և գիտությունների ավելի քան 45 թեկնածու: Հենց միայն վերջին մեկ տարվա ընթացքում գիտությունների թեկնածուի աստիճանի դիսսերտացիա պաշտպանել են 12 մարդ և գիտությունների դոկտորի աստիճանի դիսսերտացիա՝ մեկ մարդ: Դիսսերտացիաների պաշտպանության պատրաստվող երկու աշխատակիցներ արժանացել են բարձր պատվի - Ստալինի անվան թոշակի:

Այս տարի նոր ընդունելություն կա-

տարվեց Արմֆանի ասպիրանտուրայում: Ներկայումս մեր սիստեմում կա մոտ 40 ասպիրանտ:

Արմֆանի բալանսի մեջ այս տարի մեծ տեղ է զբաղում Բուսաբանական այգու բացումը: Դա իրոք որ մի խոշոր իրադարձություն է:

Արմֆանի կյանքում ու, թերևս, մեր ժողովրդի պատմության մեջ մեծ իրադարձություն է հանդիսանում օրերս անցկացված գիտական հոբելյանական սեսիան: Միության 12 խոշոր գիտնականների, այդ թվում՝ 8 ակադեմիկների մասնակցությունը մեր սեսիայի աշխատանքին, իրոք մի խոշոր իրադարձություն է: Սեսիան էլ ավելի բարձրացրեց Արմֆանի հեղինակությունը և աշխատավորության լայն խավերին կապեց ռեսպուբլիկայի գիտական կենտրոնի հետ:

Կատարելով պատվավոր խնդիր, Արմֆանն ուսումնասիրում և լայն մասսաների սեփականություն է դարձնում հայ ժողովրդի կլասիկների՝ Արթուրյանի, Թումանյանի, Նալբանդյանի, Պոռտյանի, Աղայանի, Փափազյանի և ուրիշների գրական ժառանգությունը:

Այս տարին հանդիսանում է գիտական նվաճումները մեր ռեսպուբլիկայի մասսաներին էլ ավելի մոտեցնելու տարի: Բավական է միայն հիշել, թե ինչպիսի հսկայական հաջողություն են վայելում մեր լեկտորները: Միայն այս սեզոնում մենք անց ենք կացրել ավելի քան 15 դասախոսություն: Հատկապես հետաքրքիր էին պրոֆ. Արեղյանի դասախոսությունը, պրոֆ. Մալխասյանի դասախոսությունը՝ «Հինգ զերոզ դարի պատմության մասին», պրոֆ. Մելիքյանի-Բեկի, արվեստի վաստակավոր գործիչ Գ. Ասոնյանի և ուրիշների դասախոսությունները:

Մեծ իրադարձություն է նաև կենսական քաղաքում անցկացված առաջին գիտական սեսիան: Կենսաբանական քաղաքի աշխատավորության լայն խավերը բացառիկ հետաքրքրություն և ուղարկություն ցուցաբերեցին դեպի մեր սեսիայի աշխատանքը:

Դեկտեմբերի սկզբին նախատեսվում է կենսական քաղաքում անցկացնել այդպիսի երկրորդ գիտական տեսիա:

Մենք մեծ նվաճումներ ունենք մեր գիտական աշխատությունների հրատարակման բնագավառում: Հինգ տարվա ընթացքում հրատարակված են ավելի քան 65 անուն գիրք: Իրանց թվում մենք ունենք մի շարք լավագույն արժեքավոր աշխատություններ: Միայն այս տարվա ընթացքում հրատարակվել է ավելի քան 42 անուն գիրք, այդ թվում՝ «Գրական ժառանգություն»-ը և «Արթուրյանի գիտական»-ը, «Հին հայ իրավունքի պատմություն»-ը, Արմֆանի «Տեղեկագրի» 1, 2, 3, 4, 5 համարները, քսանամյակին նվիրված հոբելյանական ժողովածուներ, Հ. Թումանյանի երկերի ակադեմիական հրատարակությունը, ընտրված գիտական շարժումն Անդրկովկասում և այլն: Ռուս սերեն լեզվով տպագրության է պատրաստվում ակադեմիկ Մանանդյանի «Տիգրան Բ. և Հոտմը» աշխատությունը:

Սրանք են սովետական առաջավոր գիտության զարգացման բնագավառում կենսիկ-Ստալինի մեծ պաշտիայի ղեկավարություններ Արմֆանի ձեռք բերած հաղթանակների հակիրճ, բնավ օջիվ հանրագումարներ:

Սակայն մեր առջևում դեռ կան լուծված ոչ-քի թվով կարևոր պրոբլեմներ, որոնք պետք է պրակտիկ կերպով կապակցվեն սոցիալիստական ժողովրդական տնտեսության պահանջների հետ (գեոլոգիա, քիմիա և այլն):

Մեր ինտելիգենցիան ցույց է տալիս հերոսական աշխատանքի օրինակներ: Գիտական հասարակայնությունը կտրածադրի էլ ավելի մեծ եռանդ, իր բոլոր ուժերն ու գիտելիքները կնվիրի մեր ռեսպուբլիկայի ամենահսկայական բնական հարստությունների հայտնաբերման գործին և դրանով իսկ կբարձրացնի հայ ժողովրդի՝ ձևով ազգային և բովանդակությամբ սոցիալիստական կուլտուրան: